

Ա. ՋՈՊԱՆՅԱՆԸ ԵՎ ՀԱՅՈՑ ՔԱՂԱՔԱԿԱՆ ԿՈՂՄՆՈՐՈՇՄԱՆ ՀԱՐՑԵՐԸ

Բանաստիճ. գիտ. դոկտոր Կ. ԴԱԼԼԱՔՅԱՆ

Արեւմտահայ նշանավոր մշակութային հասարակական գործիչ Արշակ Չոպանյանը, թիպետ ականատեսն էր ժողովրդի ահապոր ողբերգությունների, միշտ վառ լավատեսություն ուներ նրա ազգային ապագայի նկատմամբ: Նույնիսկ համիդյան ջարդերի թարմ հետքերով՝ 1897 թ. դրված իր հանրահայտ «Ծրոք մայր Հայաստանին» լայնաշունչ բանաստեղծության մեջ Չոպանյանը, առանց տատանվելու, հակադրվում է տիրապետող խուճապային մթնոլորտին:

Մութին մեջեն պիտի ցցվիս հաղթական,
Աչքերդ աստղեր պիտի ըլլան հոտավետ,
Ըն լույս պիտի թափի ճերմակ մազերեղ:
Պիտի կանգնիս ճամփաներուն բերանը,
Պիտի քանդես Բռնության սև խորանը,
Ոտքի՛ ելիր, ցավերդ երկունքն են հսկա
Ով մա՛յր, աշխարհ մը ծոցիդ մեջ կը խլրտա:

Ժողովրդին «սիրտ տալու» հետ մեկտեղ, Չոպանյանը վստահ էր, թե չի կարելի ծածկել իրականությունը, դա վտանգավոր կլիներ, այլ «պետք է հայտնել կացությունը իր բոլոր գաղութներում»¹ և քաջալերել նրան:

Այդ լավատեսությունը ամուր խարսխվում էր Չոպանյանի քաղաքական հավատամքի, ազգային-ազատագրական պայքարի ուղիների և հաշտության մասին իր սեփական մտահանգումների ու տեսության համակարգի վրա, որը նա մշակեց Պոլսից 1895 թ. ընդմիշտ հեռանալուց անմիջապես հետո:

Չոպանյանի քաղաքական հավատամքը բովանդակում էր հիմնականում երկու կետ՝ ազգի սեփական ուժերի և հնարավոր դաշնակիցների ճշգրիտ հաշվառումն ու առավելագույն օգտագործումը:

Սեփական ուժերի մոբիլիզացիայի խնդիրը:

Այդ մասին Ա. Չոպանյանի հայացքները հարցերի մի շատ լայն ու բարդ շրջանակ են ներառում. լուսավորական, պրոպագանդիստական, նյութական, ռազմական և այլն: Ազգի ինքնաճանաչման, ինքնագիտակցության մակարդակի որակական բարձրացման անհրաժեշտությունը, մի խնդիր, որի իրականացմանը նա անվերաբերեց իր գիտակցական ողջ կյանքը, ըստ Չոպանյանի՝ հիմքը և կարևորագույն պայմանն էր ազգի համախմբման, առանց որի օբյեկտիվորեն անհնարին պիտի լիներ պայքարի հաջող ելքը:

Չոպանյանը անվերապահորեն արդարացի և ճիշտ էր գտնում հայոց ազգային-ազատագրական պայքարը: Նրա տարակարծությունը ժամանակի հայ քաղաքական ուժերի հետ մի հիմնական կետում էր՝ խնդրի գործադրման տակտիկայի մեջ: Եվ այդ տարակարծությունը սկսվում էր հենց կոնսուլիդացիայի՝ ազգային ուժերի միավորման, համախմբման հարցից: «Կոնսոլիդությունը, որուն կը պատկանիմ,—գրում էր նա,—կը կոչվի «հայոց ազգ» և մինչև որ

¹ «Անահիտ», 1898, № 1, էջ 5:

հայկական ճգնաժամը չվերջանա, մինչև որ հայոց հարցը չլուծվի, պիտի չգադրիմ մեր ազգային գործունեություն մեջ կուսակցական կոիվին դնել կովելի և մեր դատին բարեհաջող լուծման համար մեր ազգին բոլոր ուժերուն միացման անհրաժեշտությունը քարոզելն²:

Զոպանյանը կտրականապես մերժում էր անջատ գործողությունների, լրջորեն չնախապատրաստված ելույթների տակտիկան, որի միակ նպատակը, ըստ էության, Եվրոպայի ուշադրությունը հրավիրելն էր: Նման գործողությունների հեղինակների մասին նա դառնությամբ գրում էր. «Նրանք թամանակ չէին կորսնցներ» ուսումնասիրություն, բաղդատություն, խորհրդածություն ընկելով: «Ուտքի՜ ելեք» կը գոչեին, և այսչափ: Ինչպե՞ս, ո՞ւր, ի՞նչ հույսով, ի՞նչ վրա կռվեի, ինչի՞ հանգելու համար:—Ասոնք ավելորդ հարցումներ էին³: Սրան հակառակ, Զոպանյանը պահանջում էր լուրջ նախապատրաստություն, արագ, գաղտնի (ոչ թե լրագրերում պարծենկոտությամբ մատնտու տվյալներ հաղորդել, որը տարածված ախտ էր), պատեհ ընտրություն, միասնաբար և կարևոր մի շրջանում հանդես գալ: Միայն այն դեպքում, երբ ամբողջ ժողովուրդը կհենվի իր բազկին, կկռվի իր զենքին, միայն այդ պայմաններում, եթե նույնիսկ լինեի Եվրոպայի միջադրությունը, դա կարող էր մեզ օգտակար լինել, այլապես նրանք մեզ պիտի կոխկռտեն, մեզ պիտի ձուլեն, մեզ պիտի հալեցնեն իրենց մեջ⁴:

Խիստ քննադատելով տարանջատ ելույթների տակտիկան, Զոպանյանը ամենալուրջ ուշադրություն է հրավիրում ինքնապաշտպանության կազմակերպման խնդրի վրա բոլոր այն աշարագաններում, երբ հայության որևէ հատվածը վտանգվում էր: «Պետք է աշխատիլ, որ, երբ հարձակում կհեն, Թուրքիո հայերը զգացումն ունենան ինքնապաշտպանության... Յուրաքանչյուր գյուղի մեջ երկու մարդ անաղմուկ հաստատված, իր բժիշկ, քահանա, վարժապետ,—կարող են խուլ և տևական պրոպագանդով մը այդ զգացումը արթնացնել բնակչության սրտին մեջ, և հարձակման ընթացքին՝ ինքնապաշտպանության օրինակը իրենք իսկ տալն⁵:

Վերջին հարյուր տարիների ընթացքում բազմաթիվ են եղել քաղաքական գործիչներ, թե նույնիսկ կուսակցություններ, որոնք գտել են, թե հայ ժողովրդի կոտորածները, մեր հայերիս իսկ սխալ քաղաքական ընթացքի հետևանքն է, քանի որ Թուրքիայի և Թուրքերի հետ լեզու գտնելու փոխարեն դիմել ենք այլ միջոցների:

Թե՛ նախկինում, թե՛ մեր օրերում պատմությունը, սակայն, ավելիով ապացուցեց, որ հարցի արմատը ոչ թե Թուրքիայի տարածքում բնակվող ոչ Թուրք տարրերի հնազանդ կամ անհնազանդ սուբյեկտիվ վարքի մեջ է, այլ Թրքականության օբյեկտիվորեն ստեղծված բուն էության մեջ, որը կոչված է ստեղծելու միատարր ազգ-պետություն՝ միասնական տարածքի վրա, նրա սահմաններից դուրս վտարելով կամ ֆիզիկապես բնաջնջելով բոլոր տիպի այլ տարրերին:

Հալ քաղաքական մտքի պատմության մեջ Զոպանյանը առաջիններից մեկն էր, որ փորձեց թափանցել երևույթի խորքը: «Բաց նամակ դ-ր Բելքին» հոդվածում, որը տպագրվել է «Անահիտ» 1900 թ. № 3-ում, նա մատը գնում է ճիշտ վերքի վրա: Նա ցույց է տալիս, որ շարդերի հիմնական պատճառը հայ խռովարարներու մեկ քանի ապստամբական շարժումները կամ նույնիսկ քրդական համիդիե գորագնդերի գոյությունը չէր, ինչպես կարծում էր Բելքը: «Այդ երկու իրողությունները ուրիշ բան չեն, բայց եթե ճակատագրական արդյունքը սկզբնական պատճառներու, որոնք նույն ինքն մահմեդական բռնապետության վրա հիմնված բարե՛ ունեմին իսկությանը մեջ կը կա-

2 «Հորիզոն», 1916, № 27:

3 «Անահիտ», 1899, № 2, էջ 93:

4 Նույն տեղում, № 7, էջ 225:

5 «Անահիտ», 1906, № 3—5:

յանա, ատոնք ըրիտ արտահայտություններն են հիվանդության մը, որուն արմատները կը կայանան ոչ հայ տարրին, ոչ իսկ իւրի տարրին, այլ քուր՝ կառավարական դուրքյան մեջ» (ընդգծումներն իմն են—Կ. Դ.):

Հնարավոր դաշնակիցների խնդիրը:

Ներքին ուժերի վերլուծությունը Չոպանյանին ըրել էր մի համոզման, որ ազդային-աղատադրական պայքարում հաջողության գրավականը նույն այդ ուժերի առավելագույն մոբիլիզացիայի և հնարավոր բնական դաշնակցի համատեղման գործոնի մեջ էր: Չոպանյանը առաջիններից էր հայ քաղաքական մտքի պատմության մեջ, որ վերաքննության ենթարկեց մեր անցած ուղին, վեր հանելու համար այն թերություններն ու սխալները, որոնք իր կարծիքով, դարավերջին նպաստել էին աղատադրական պայքարի ձախողմանը: Ընդամենն, նրա վերաքննությունը գնաց ոչ թե 300 տարիների ստրատեգիան ժխտելու, ինչպես հետագայում փորձեր արվեցին, այլ ընդհակառակը, հաստատելու համար իս. Արուստի մատնացույց արած «քաղաքական ճշգրիտ ու բեղմնավոր ուղղությունը»⁶, նրա վերաքննությունը վերաբերում էր որոշ ժամանակահատվածների, երբ նույն ճշգրիտ ուղղությունից կատարվել էին ճակատագրական դիմադարձեր:

Խոսքը, անշուշտ, դնում է հայ ժողովրդի ռուսական կողմնորոշման մասին: Պատահական չէ, որ Չոպանյանի անձի մեջ տեսնելով «թրքականություն» վտանգավոր հակառակորդին, Պոլսում Ֆրանսիայի դեսպանի միջոցով թուրք կառավարությունը պահանջում է Ֆրանսիայից վտարել Ա. Չոպանյանին:

Չոպանյանը բարձր է գնահատում Սան-Ստեֆանոյի դաշնագրի ժամանակահատվածը, որի հիմնական բովանդակությունը նա տեսնում էր դեպի Ռուսաստան արևմտահայության կտրուկ շրջադարձի մեջ: Սան-Ստեֆանոյի ժողովին արված դիմումով, գրում է նա, ներսես Վարժապետյան պատրիարքը իր փառքի տիտղոսը ստեղծեց, «նոր թվական մը բացավ հայ ժողովրդին, կրոնական գոյություն ունեցող ազգը քաղաքական կովանի մը վրա դրավ, հայուն շահերուն եվրոպական հզոր պաշտպան մը գտավ՝ Ռուսը»⁷, Բայց այդ առաջին քայլին հետևեց սխալների մի ամբողջ շարք. պատրիարքը և իր շրջապատը հրաժարվեցին ռուսական կողմնորոշումից և թրքական «բարեխնամ» կառավարության թելադրանքով դիմեցին եվրոպական վեց տերությունների հովանավորությանը: Դործնականում դա նշանակում էր՝ ամեն ինչ թողնել Սուլթան Համիդի ախորժակին: Չոպանյանը այդ քայլը որակում է իբրև «առաջին ոճիր հայ ազգին դեմ գործված»⁸:

Մի ուրիշ սխալ Չոպանյանը տեսնում էր հայոց կողմից Անգլիայի վրա հույսեր դնելու մեջ: «Ինչ որ անվիճելի կը թվի ինձ, այն է,—գրում էր Չոպանյանը,—որ ներսեսյան խումբը Անգլիո վրա շափազանց հույս դնելու սխալը գործած է: Նրբեք չեմ խորհած, թե հայք այդ պահուն մեջ ոչ մեկ կարևորություն ընծայելու չէին Անգլիային, անհրաժեշտ էր ի նկատի ունենալ այդ ահագին կշիռ ունեցող տարրը, բայց պետք էր ըմբռնել թե անգլիական դիվանագիտությունը «թշնամի» էր հայոց ներքին ամենն սուրբ բաղձանքներուն, մինչև ռուսը իր շահերուն բերմամբ «դաշնակից էր հայուն»⁹:

Թե՛ իննսունական թվականներին, թե՛ հետագայում հայ գործիչներից շատերը, այդ թվում և Ա. Չոպանյանը, շատ անգամներ հենվել են այսպես կոչված «հայասեր» կառավարությունների կամ անհատների վրա: «Հայասիրությունը» բավականին ծամծամված տերմին էր և միանգամայն անիմաստ՝ երբ խոսքը գնում էր պետությունների քաղաքականության վերաբերյալ, էա-

6 «Անահիտ», 1948, № 7, էջ 3:

7 «Անահիտ», 1899, № 3, էջ 89:

8 Նույն տեղում, էջ 85:

9 «Անահիտ», 1907, № 10—12, էջ 166:

կանը պետական շահն էր իբրև մշտական գործոն, որով բացատրվում էին այս կամ այն պետության քայլերը: Ա. Չոպանյանը, առաջիններից մեկը, թափանցեց երևույթի խորքը, տեսնելու համար, որ մեր տարածքաշրջանում ռուսական կայսրության շահը այդ տերությունը օբյեկտիվորեն դարձնում էր հայոց շահերի դաշնակից: Ռուսաստանը նա համարում էր «այն զգուրքունը, առանց որուն կամֆին անհնար է, որ հայոց բախտը վնասվի (ընդգծումը Ա. Չ—ինն է)»¹⁰:

Նա խիստ դատապարտում է «հայ պոլիտիկոսներին», որոնք թուրքին նախընտրում էին ռուսից: «Ազգակուլ» ռուսն տիրացուական վախն է միշտ, որ այդ զգացման խորը կը թաքչի», գրում է Ա. Չոպանյանը, ցուցադրելով, թե ինչպես այդ պոլիտիկոսները սին հույսեր են փայփայում հայկական ինքնավարություն ստանալ Անգլիայի հովանավորությամբ և Թուրքիայի հավանությանմը¹¹:

Ա. Չոպանյանը մանրամասն դիտարկում է հայության հնարավոր դաշնակիցների հարցը: Անգլիային, ինչպես տեսանք, նա համարում է հայության իղձերի թշնամի, Գերմանիայի գործելակերպը հայտարարում է «գազաթնակետին հասած թրքամոլություն», մերժում է նաև Ֆրանսիայից որևէ էական սպասում: Հատկանշական է, որ նա տարբերակում է պաշտոնական Եվրոպան մտավորական Եվրոպայից, որի մեջ կային ոչ քիչ թվով իրոք բարձր կարգի մտավորականներ, որոնք քաջատեղյակ համաշխարհային քաղաքակրթությանը հայոց բերած նպաստին (հենց այդ հարցում ևս անգնահատելի եղավ Ա. Չոպանյանի պրոպագանդիստական գործունեությունը), անվարան կանգնում էին հայ ժողովրդի պաշտպանության դիրքերում:

Ռուսաստանի նկատմամբ քաղաքական կողմնորոշումը Չոպանյանը հիմնավորում է թե՛ պատմականորեն, թե՛ ընթացիկ պահի անհրաժեշտությամբ: Առարկելով իր ժամանակներում տարածուն այն կարծիքին, թե Ռուսաստանը Արևմտյան Հայաստանին ինքնուրույնություն տալու փոխարեն մտադիր է պարզապես զավթել այն, Չոպանյանը գտնում էր, որ նույնիսկ այդպիսի ելքը նախընտրելի էր, նկատի ունենալով Արևելյան Հայաստանի փորձը ռուսական տիրապետության տակ: 1914 թ. վերջերին, նա իր նամակներին մեկում գրում է. «Նույնիսկ եթե էրզրումեն մինչև Սիս ռուսը գրավե և պարզապես կցե, նորեն հայուն համար շատ լավ է»¹²:

Դարասկզբին ռուս կառավարության հակահայ քաղաքականության դեմ ծավալված բուռն պայքարի պայմաններում, Ա. Չոպանյանը հանդես եկավ այն բանի դեմ, որ շատերը նույնացնում էին ատիեզերական ազատականության դեմ ցցվող ցարականությունը (Ա. Չոպանյանի բնորոշումն է) ռուս ժողովրդի հետ: «Ապուշություն է,—գրում է նա «Ռուսիա և հայերը» խորագրով մի ծավալուն ուսումնասիրության մեջ,—«ռուս» ըսելով չինովնիկները, կնուտը, Սիպերիան, կախաղանը և բանտերը միայն տեսնել—ատոնք բոլորը ռուս ուժիմին բացասական կողմն են...: «Ռուս» ըսելով ես կհասկնամ ամեն ինչ որ ռուս է—Գոգոլը, Դոստոևսկին, Տուրգենևը, Տոլստոյը, Գորկին, որոնք մտավորական բարերարներն են ամբողջ մարդկության համար... կր հասկնամ ռուս ժողովրդին խանդոտ, գաղափարապաշտ, մարդասեր հոգին, կը հասկնամ ռուս զորության կատարած անուրանալիորեն զեղեցիկ ու մարդկօգուտ դերը՝ մահմեդականությունը զսպելու և Թուրքիո գերի ազգությանց ազատման նպաստելու, կը հասկնամ ռուս գիտությունը, զեղարվեստը, կը հասկնամ ռուս ազատագրական շարժման բոլոր հանդուգն ու հոյակապ ճիգերը, բոլոր այն անբաղդատելի հերոսները, զոր տված է ռուս տարրը՝ ազատության Դատին համար ու, վերջապես, «ռուս» ըսելով ես միշտ կը հիշեմ բարիքը, զոր Մեծն Պետրոսի ցեղը ըրած է անցյալի մեջ՝ հայության և

10 «Անահիտ», 1899, № 3, էջ 80:

11 «Անահիտ», 1907, № 10—12, էջ 162:

12 Ա. Չոպանյան. Նամականի. էջ 120:

կը տեսնեմ օգուտը, զոր իմ ազգս կարող է ապագային մեջ քաղել ուս ազգ-
լուծենեն»¹³:

Լիուսական կողմնորոշման հարցը դարասկզբին արդեն բավականին զե-
րակշռություն էր ստացել թե՛ քաղաքական տարբեր հոսանքների ու խմբա-
վորումների մոտ, թե՛ մանավանդ կովկասահայ և արևմտահայ շատ մտավո-
րականների հայացքներում: Ա. Զոպանյանին գրված մի նամակում է կոմի-
տասը հայտնել իր թեկնածու միտքը՝ «Զիք փրկություն արտաքո Լիուսիո»:
Նույն նամակում նա շարունակում էր շարադրել իր համոզմունքը. «Զպետք
է բաժնվինք, չպետք է խարվինք Եվրոպայի զանազան խոստումնալից խար-
կանքներեն, միանալու ենք և գործնական ճամբան բռնելու, ըստ իս, առա-
ջին քայլն է բոլոր հայությունը ամփոփել ուսի իշխանության տակ»¹⁴: Նա-
մակը գրված է առաջին համաշխարհային պատերազմի սախօրհին՝ 1912 թ.
դեկտեմբերին: Դրանից ճիշտ մեկ տարի հետո, 1914-ի հունվարին, Գրիգոր
Հոհրապը գրում է Զոպանյանին. «Մեկ ույժ մը միայն, որին ես գտնե անձ-
նապես, և դուն ալ ինձի հետ, փարած էի սկիզբեն ի վեր... ույժ մը, զոր, եր-
անդին բոլոր հայերը կը հարվածեն, կը նախատեսին, սեսք կը փայփայենք,
ույժ մը, զոր հաջողեցանք հայոց պաշտպան դարձնելու... այդ ույժը, ըսելու
պետք կա՞ միթե, ուսական պետությունն է»¹⁵:

Լիուսական կողմնորոշման օգտին աշխատանքը, որին զինվորագրվեցին
արևելահայ և արևմտահայ շատ գործիչներ, տվեց լուրջ արդյունքներ՝ նույ-
նիսկ ցարական իշխանության քաղաքականության պայմաններում, որն այդ
պահին Թուրքիայում հետապնդելով իր ուրույն շահերը, հայության համար
նպաստավոր չէր: Ստրատեգիական նպատակը՝ ժողովրդի գոյապահպանու-
թյան և հարատևության խնդիրը, սակայն, շատ ավելի ծանր էր կշռում, քան
ժամանակավոր բնույթի տակտիկական կնճիռները:

Պատահական չէ, որ ընդհանրացնելով անցյալ տասնամյակի արդյունք-
ները, Ա. Զոպանյանը 1907 թ. արձանագրում է. «Այսօր հայոց մեծամասնու-
թյունը ըմբռնած է, թե առանց Լիուսիո աջակցության հայոց հարցը չի կըր-
նար լուծվի»¹⁶:

Անցյալ դարավերջին և քսաներորդի սկզբներին Ա. Զոպանյանը լրջո-
րեն մտահոգված էր նաև այն հարցով, թե ինչպիսին պետք է լինի հայության
վերաբերմունքը դրացի տերությունների և ժողովուրդների նկատմամբ: Նա
համոզված էր, որ անհրաժեշտ է ամրապնդել բարեկամական հարաբերու-
թյունները վրացիների հետ, աջակցել արաբ ժողովրդի ազգային-ազատա-
գրական պայքարին: «Ես այն սակավաթիվ հայերեն եղա,—դրում էր նա,—
որ ուշադրություն հրավիրեցի արաբական ապստամբության վրա և հայոց
օգնությունը անհրաժեշտ նկատեցի այդ ապստամբությանը»¹⁷: Պարսկաստա-
նի պարագայում նա անհրաժեշտ էր գտնում շարունակել հաշտ դրացիական
համակցությունը, քանի որ Թուրքիայի համեմատությամբ Պարսկաստա-
նում հայության համար շատ ավելի նպաստավոր պայմաններ էին ստեղծ-
վել¹⁸:

Ա. Զոպանյանը ուսումնասիրել է նաև քրդական ցեղերի հետ հայության
հարաբերությունների խնդիրը: Քրդական ապստամբությունների պարագա-
յում, Ա. Զոպանյանը, անշուշտ, պահանջում էր դիմադրական կարողություն
դրսևորել, որը ինքնապաշտպանության մասին նրա հայացքների կարևոր
բաղկացուցիչն էր: Միաժամանակ, իբրև սկզբունքային հիմնահարց, նա գրոտ-

13 «Անահիտ», 1906, № 3—5, էջ 70:

14 Գրականության և արվեստի թանգարան (ԳԱԹ), Ա. Զոպանյանի ֆոնդ, 1-ին բաժին,
№ 3416:

15 «Անահիտ», 1930, № 3, էջ 12:

16 «Անահիտ», 1907, № 10—12, էջ 177:

17 «Անահիտ», 1906, № 3—5, էջ 71—72:

18 Նույն տեղում:

նում էր, որ երկու ժողովուրդներն էլ ընդհանուր թշնամի ունեն, ուստի պետք է դաշնակցեն նույն բռնապետության դեմ մղվող պայքարում: Նա այն համոզմունքին էր, թե պետք է օգնել քրդերի ազգային ինքնագիտակցության կալանացմանը: Այդ պարագայում, քուրդը «ճակատագրականապես բախտակից մը և դաշնակից մը պիտի սկսի տեսնել հայուն մեջ և փոխանակ հայուն դեմ դարձնելու իր դանակը, բռնավորին դեմ պիտի զարձնե զայն»¹⁹:

Ա. Չոպանյանը գործնական կապեր է հաստատում քրդական ազգային-ազատագրական շարժման նշանավոր գործիչներից մեկի՝ Աբդուռահման Բեդրխանի հետ, որը Կահիրեում հրատարակում էր «Քուրդիստան» անունով երկշաբաթաթերթ: Իր «Անահիտում» Չոպանյանը հրատարակում է Բեդրխանի մի նամակը, որի մեջ ասված է. «...դիտեմ, թե քուրդերուն և հայերուն շահը միևնույնն է, և ատոր համար է, որ ես միշտ ուզած եմ լրագրիս միջոցով ջնջել այն ատելությունը, որ գոյացած է այս երկու ժողովուրդներուն միջև»²⁰: Հատկանշական է, որ մի քանի ամիս անց Չոպանյանը հրատարակում է նույն Բեդրխանի կողմ՝ ուղղված իր ցեղակիցներին: «Ո՛վ քուրդեր, — ասված է կոչի մեջ, — որ միշտ հռչակավոր եք եղած ձեր քաջասրտությամբ, խեղճ, անվնաս հայերը ջարդելու ելեր եք հիմա, մինչդեռ ընդհակառակը, անոնց օգնության հասնելու էիք և զանոնք ձեր պաշտպանության տակ առնելու էիք: Ինչպե՞ս պիտի սրբեք այդ արատը, որով ձեզ աղոտոեցիք, այդ խեղճ մարդիկը սպանելով և Աբդուլ Համիդի պաշտոնյաներուն մեղսակից հանդիսանալով: Ա՛յդ էր ձեր քաջությունը, ձեր պատվո և վեհանձնության համբավը»²¹:

Մասնավոր հետաքրքրության առարկա է Չոպանյանի տեսակետը Թուրքիայի և Թուրք ազգության նկատմամբ: Անհրաժեշտ է նախ շեշտել, թե նա բազմիցս և համառ հետևողականությամբ պնդում էր հայոց կողմից Թուրքական իրականությունը (լեզուն, մշակույթը, տնտեսությունը, զազափարաբանությունը, բարքերը, հոգեբանությունը և այլն) լրջորեն և համակարգված ուսումնասիրելու անհրաժեշտության վրա, համոզված լինելով, որ չի կարելի հակառակորդի հետ պայքարել առանց նրա մասին լուրջ գիտելիքների կամ, ավելի վատ՝ նման գիտելիքների փոխարեն պարծենկոտ արհամարհանք դրսևորելով: Ապա նա գտնում էր, որ տվյալ պահին Թուրքիայում տիրում էր կրոնական խավարամտություն: Երկիրը գտնվում է դարերի խորքում, քաղաքակրթությունից շատ հեռու, և հայոց պայքարը նրա դեմ՝ պայքար է հանուն ազատագրության: Բայց, նկատում է Չոպանյանը, «վերջնական ու անվերապահ ատելություն մը չէ, որ կուզեմ քարոզել Թուրքին դեմ: Ոչ մեկ ցեղ ատելու չէ մարդ... Թուրքն ալ պիտի ըլլա օր մը քաղաքակրթ ազգ մը — երբ «ազգ» մը սկսի ըլլալ, փոխանակ վրանը զարկած սպառազեն վաշկատուներու ջոկ մը ըլլալու, ինչպես է ցարդ, երբ լրջորեն բանա իր միտքն ու հոգին ազատության, քաղաքակրթության, արդարության, մարդկայնության սկզբունքներուն: Չոպանյանը նշում է, թե հայ ժողովուրդը ազատություն ձեռք բերելուց հետո ինքն իսկ պիտի օգնի Թուրք ժողովուրդին նրա մտավոր ու բարոյական զարգացման գործում: «Մեր շահը կը պահանջե արդեն, — ասում է նա, — որ մեր դրացի բոլոր ցեղերը քաղաքակրթվին»²²:

Հետագա տասնամյակներում ևս Չոպանյանի հայացքները ժողովրդի քաղաքական կողմնորոշման խնդրում սկզբունքային փոփոխություններ չկրեցին: Ծշմարիտ է, որ սպասվող համաշխարհային առաջին պատերազմում Անգլիայի ու Ֆրանսիայի՝ Ռուսաստանի հետ դաշնակից լինելու պարագան սին հույսեր էր ներշնչել Ա. Չոպանյանին, թե առաջին երկուսը պիտի իբր օգնեն Ռուսաստանին ազատագրելու Արևմտյան Հայաստանը, այնտեղ մի

¹⁹ «Անահիտ», 1900, № 4—5, էջ 131:

²⁰ Նույն տեղում, էջ 132:

²¹ «Անահիտ», 1901, № 1, էջ 25:

²² «Անահիտ», 1906, № 3—5, էջ 72—73:

տեսակ հայկական իրաճանանի» ստեղծելու համար: Սակայն նույնիսկ այս դեպքում, նման մի «լիբանանի» ստեղծումը նա պատկերացնում է միայն Ռուսաստանի հովանավորությամբ: Այդ մասին նա նշում է լեռնին ուղղված մի նամակում, 1912 թ.²³ Արդեն 1913 թ. նա դարձյալ շեշտում է իր սկզբունքային դիրքորոշումը ֆրանսիացի հասարակական գործիչ Վիկտոր Բերարին դրված նամակում. «Ռուսիա կոչված է գերակշիռ դեր մը կատարել Հայկական հարցին լուծման մեջ, ինչ ձևով ալ ըլլա այդ լուծումը²⁴»:

Հետաքրքրական մի պարագա ևս: Պատերազմի նախօրյակին, ինչպես և Սան-Ստեֆանոյից անմիջապես հետո, Թուրքիան փորձում է շեղել արևմտահայ հասարակական կարծիքը, բթացնել կամ ուղղակի խաբել նրան, բանակցությունների մեջ մտնելով Պուսի հայկական որոշակի խավերի հետ: Զոպանյանը լավ էր սերտել պատմական փորձը, հենց ինքն իսկ ջախջախիչ քննադատության էր ենթարկել Սան-Ստեֆանոյի դաշնագրին հետևող անցքերը: Այժմ պատմությունը կրկնվում էր և նա չվարանեց Թիֆլիսի «Մշակի» միջոցով զգուշացնել. «Ինչպես կիմանամ, Պուսի հայ աղաներու շրջանակներեն ոմանց մեջ ձգտումներ կան թուրքին հետ գլուխ-գլխի խնդիրը փակելու և «Լուսարձակ» ու «Ժամանակ» թերթերը այդ ձգտումին արձագանքը կը հանդիսանան, անգիտակից գործիքները դառնալով դավի մը, որուն արդյունքը պիտի ըլլա, եթե հաջողի, հայկական Դատին սպանումը... նույնիսկ Աղանայի կոտորածին ու այս վերջին սահմանադրական չորս տարիներուն շնական կատակերգությունեն որեւէ արդյունք սպասող մեր միամիտ հայրենակիցները շատ լավ պիտի ընեն, եթե, երբ դեռ ուշ չէ, ետ քաշվին այդ սխալ ճամփեն»²⁵:

Լիբերալ հայացքների տեր Ա. Զոպանյանի համար ողջունելի էր ցարիզմի տապալումը և դեմոկրատական Ռուսաստանի հռչակումը, որի վրա կողմնորոշումը առավել շեշտված դրսևորվեց այդ ժամանակահատվածում: Իսկ երբ իշխանությունը անցավ բոլշևիկներին, նա չհանդուրժեց պատերազմը անմիջապես, առանց անեքսիաների դադարեցման լուծուղի, որը նշանակում էր հայոց ճակատագիրը գարծալ թողնել իր դահձի տնօրինությանը: Այնուամենայնիվ, երբ հրապարակվեց Արևմտյան Հայաստանի մասին լենինի ստորագրած դեկրետը, Զոպանյանը պաշտպանեց այն, միաժամանակ, քիչ հետո, նոր քննադատության կրակ ուղղելով Բրեստ-Լիտովսկի հաշտության պայմանագրի դեմ, որով ռուս գործերը դուրս էին բերվում Հայաստանից: Ռուսական կողմնորոշումը, սակայն, միշտ մնաց որպես ստրատեգիական հիմնուղի, քանի որ այդ միջոցով էր Զոպանյանը տեսնում հայության գոյատևման հարցի դրական լուծումը տվյալ ժամանակահատվածում և ազգային իղձերի իրականացումը ապագայում:

Արդեն 1921 թ. հոկտեմբերի կեսերին, այսինքն՝ Ռամկավար-ազատական կուսակցության ստեղծումից (որի ղեկավար դեմքերից մեկը եղավ Զոպանյանը) երկու շաբաթ անց, Զոպանյանը հրապարակավ հայտարարեց, թե ելնելով հայ ժողովրդի աշխարհաքաղաքական ծանր կացությունից, ինքը կոչ է անում գործակցել այն բոլոր ուժերի հետ, որոնք կարող են օգտակար լինել նրա փրկության հաղթում, այդ թվում կոմունիստների հետ²⁶: Իսկ ևս մի քանի շաբաթ անց, նա Ազգային պատվիրակության նախագահ Նորատունկյանին առաջարկում է հենվել նոր Ռուսաստանի զորության վրա²⁷:

Օրինաչափ է, որ հենց բուն ՌԱ կուսակցությունը կանգնում է համանրման դիրքի վրա: Փարիզի անհատական արխիվներից մեկում, որը դեռևս մշակված չէ, տողերիս հեղինակին հաջողվեց ծանոթանալ ՌԱ կուսակցու-

23 ԳԱԲ, Լեռնի, ֆոնդ, № 38/1:

24 «Մշակ», 1913, № 34:

25 նույն տեղում, № 3:

26 «Ապագա», 1921, № 4:

27 ԳԱԲ, ԱԶՅ, 4-րդ բաժին, № 389:

թյան գոյավորման շրջանի որոշ արձանագրությունների: Հետագա բոլոր հղումները «ԱԱ» (անհատական արխիվ) նշումով վերաբերում են այդ նյութերին:

ՌԱ կուսակցության առաջին (ժամանակավոր) կենտրոնական վարչության նիստերից մեկում, որին նախագահում էր Վ. Թեքեյանը, 1921 թ. նոյեմբերի 16—17-ին արձանագրվում է, թե Ռուսաստանը ամրապնդվելու նշաններ է ցուցաբերում և «հետևաբար, ոչ միայն հաշվի առնվելիք ազդակ մըն է, այլ Ռուսահայաստանի վերաբերմամբ գոնե՝ իր բարեկամությունը վերջին ծայր կենսական է» (ԱԱ): Կուսակցության Եվրոպայի շրջանակի պատգամավորական առաջին ժողովը իր հինգերորդ նիստում, 1922 թ. ապրիլի 6-ին լսում է Մ. Պապաջանյանի զեկուցումը ազգային քաղաքականության մասին: Արձանագրվում է, թե կովկասյան նախկին կառավարությունների պատվիրակությունները 1922 թ. հունվարի 11-ին Կաննի կոնֆերանսում նոտա են ներկայացրել: Այդ նոտան, որը, ինչպես պատգամավորականն է գնահատել՝ անբացատրելի է սնունդիսկ դաշնակցականներու տեսակետով, հակառուսական բնույթ ունի: Այնուհետև առաջին պատգամավորականը որոշում է. «նկատելով որ այդ Նոթան բացարձակ ազգավնաս քաղաքականության մը հիմքը դրած է, ժողովս կը գտնե, որ մեր կուսակցությունը պետք է բոլոր ջանքն ի գործ դնե, որպեսզի այդ Նոթա-ի ծրագրյալ նպատակները Ռուսիո դեմ չիրագործվին՝ ոչ ռազմական, ոչ տնտեսական և ոչ այլ ֆինանսական տեսակետով» (ԱԱ): Նոտայի հիմնական պահանջն էր ռուսական խորհրդային զորքերի հեռացումը Այսրկովկասից:

Անհրաժեշտ է շեշտել, որ քսանական թվականների սկզբներում հայոց բոլոր ավանդական կուսակցությունները համամիտ էին մի էական հարցում՝ նրանք դեմ էին Հայաստանի տարածքից խորհրդային զորքերի դուրս բերման գաղափարին: Մասնավորապես ՀՀ դաշնակցությունը այդ դիրքորոշումը դրսևորեց 2-րդ ինտերնացիոնալի գործադիր կոմիտեի 1924 թ. փետրվարին Լյուքսեմբուրգում կայացած նիստի ընթացքում: Վրաստանի առթիվ ընդունվեց վրաց մենշևիկ կուսակցության առաջարկը ռուսական զորքերը անհապաղ դուրս բերելու պահանջով: Ինչ վերաբերում է Հայաստանին, ապա «ենեկա պայմաններում մեջ ՀՀ դաշնակցությունը հայ ժողովրդի համար բաղձալի չէ նկատած ռուս զորքերու անհապաղ հեռացումը մեր երկրեն»²⁸:

ՌԱ կուսակցությունը (ինչպես նաև ՍԴ հնչակյան կուսակցությունը) ավելի առաջ գնալով, ժամանակահատվածում օրյեկտիվորեն ստեղծված քաղաքական պայմանների մեջ հայ ժողովրդի գոյատևման ու զարգացման հարցի միակ հնարավոր լուծումը նա տեսավ գոյություն ունեցող խորհրդային Հայաստանի մեջ և արդեն 1922 թ. հունիսին իր առաջին համագումարի որոշումով ճանաչեց այն և պատրաստակամություն հայտնեց «աջակցել և մեր ուժերը տրամադրել հայկ. կառավարության՝ Հայաստանի տնտեսական և բարոյական վերադարձության, ինչպես նաև հայ ժողովրդի ֆիզիկական պահպանման աշխատանքին համար»: Միաժամանակ, վճռեց արգելել որևէ կարգի արկածախնդրական ձեռնարկ, որը կարող էր վտանգել ժողովրդի ու պետության գոյությունը (ԱԱ): Կուսակցության ընդհանուր դիրքորոշումը փութով արձագանք է գտնում ստորին օղակներում: Գրեթե բոլոր շրջանակները և ակումբների մեծամասնությունը բազմակողմանի քննարկում էին քաղաքական կողմնորոշման հիմնագիծը: Վիճաբանություններից, թեև ու դեմ կարծիքներից, դատումներից, փաստարկումներից հետո, այնուամենայնիվ, տեղական մարմինները նույնպես հաստատական ընդունում էին ռուսական կոոմսոնոդումը: Եզիպտոսի շրջանային երրորդ պատգամավորական ժողովն, օրինակ, 1923 թ. ապրիլի 21-ին, 15 կողմ 4 դեմ քվեներով ընդունեց քաղաքական ծրագիրը ներկայացնող բանաձևի հետևյալ կետերը.

²⁸ «Հայրենիք» օրաթերթ, 18 մարտի 1924:

«Ա.—Նկատելով որ Հայաստանի հանրապետության, Վրաստանի և Ադրբեջանի մեջ ապրող մեր հայրենակիցներուն ֆիզիկական գոյության պահպանությունը կախում ունի միմիայն ոռոսական պաշտպանությունեն, և նկատելով, որ Հայաստանի հանրապետության քաղաքական գոյությունը և անոր տրգի սահմաններուն ընդարձակումն ալ դարձյալ կախում ունին իր հզոր դրացիին՝ Ռուսիո րարյացականութենեն և օժանդակութենեն,

կորոշե,

իւր արտաքին քաղաքականության առանցքը Ռուսիան նկատել, ինչ որ ալ ըլլա այս վերջնույն պետական ռեժիմը:

Բ.—Նկատելով, որ եվրոպական ուրիշ պետություններ և Ամերիկա իրենց հեռավորության և տնտեսական ու քաղաքական հակամարտ շահերուն պատճառով չեն կրնար շահագրգռվիլ Հայկական հարցով, և եթե շահագրգռվին իսկ, անկարող են որևէ օգտակարություն ունենալ մեղի համար առանց Ռուսիո հավանության, և

նկատելով, որ այս վերջնոց մոտ կատարվելիք դիվանագիտական դիմումները, որևէ օգուտ չունենալն զատ, կրնան իբրև գործիք ծառայել տնտեսական և քաղաքական մասնավոր շահերու և նյութ մատակարարել դիվանագիտական խազերու, որոնց առաջին զոհը կրնա ըլլալ մեր ժողովուրդը,

կորոշե,

Հրաժարիլ եվրոպայի և Ամերիկայի մոտ վերստին դիվանագիտական դիմումներ կատարել» (ԱԱ):

Քաղաքական նման վճիռը, անշուշտ, խարսխվում էր կուսակցության իրատեսական կողմնորոշման վրա, թեպետ քսանական թվականների պայմաններում Արևմուտքը ամբողջական մեկուսացման էր ենթարկել խորհրդային Միությունը և ամենուրեք ակնկալում էին նորահաստատ իշխանության շուտափուլ փլուզումը: Էականը ՌԱԿ-ի քաղաքականության համար հենց ինքը՝ Ռուսաստանն էր, անկախ նրա դրոշի գույնից: Պատահական չէ, որ երկրորդ համապատմար 1924 թ. փետրվարին ընդունում է հետևյալ հատկանշական բանաձևը.

«Աշխարհագրական, քաղաքական և տնտեսական պայմանները Արևելքի ազգերուն մեջ կը դասավորեն հայ ազգը, ատկե անհրաժեշտորեն կը հետևի պետքը արևելյան քաղաքականության մշակումին, որուն առաջնը կը կազմեն Ռուսիան—(ընդգծումն իմն է—Վ. Դ.) և որուն ձգտումն է հաշտ ու համեմատաբար ընթացքը դրացի բոլոր տերություններու և ժողովուրդներու հետ, ինչ որ արդեն հիմքը կը կազմեն խորհրդային Հայաստանի Հանրապետության ընդգրկած ներկա քաղաքականության» (ԱԱ):

Զնամարտություն է նաև այն, որ կուսակցության ներսում թե խորհ. Հայաստանի նկատմամբ քաղաքականության և թե կողմնորոշման հարցերում միշտ չէր, որ կարծիքները անպայման համընկնում էին: Առանձին գործիչներ կամ մամուլի օրգաններ երբեմն ունենում էին տարբեր, մասնավոր, գաղափարախոսական գետնի վրա եղած հակամարտությունների բերումով, ուղղակի հակադարձ մոտեցումներ: Հետաքրքրական է, օրինակ, հետևյալ իրողությունը: 1923 թ., երբ արդեն հայտնի էր, որ Լոդանի կոնֆերանսից ուրեմն ե. դաշնակիցներից, հայությունը այլևս սպասելիքներ չունի, Ամերիկայի «Պայքար» թերթը բազմիցս շեշտում էր, թե մեր ճակատագիրը կապված է Ռուսիո հետ, իսկ նույն կուսակցության Ֆրեզնոյի «Նոր օրը» 1923 թ. մարտի 30-ի խմբագրականում պնդում էր, թե «մեր դատը դաշնակիցներու հետ է»:

Արմատական նշանակության այս խնդիրներում Ա. Զոպանյանը անվարան էր: 1923 թ. հունվարին, երբ արդեն իսկ պառզ էր Լոգանի կոնֆերանսի ընթացքը, Ա. Զոպանյանը նամակով դիմում է Ագոսյին պատվիրակության նախագահ Գ. Նորատունկյանին. «Մենք պետք է հիմա, ավելի քան երբեք,

փարինք ոռոսներուն և գլխավորապես անոնց վրա կոթնելով ջանանք հասնիլ մեր ազգային վերակենդանացման նպատակին իրագործման»²⁹:

Մի ուրիշ առիթով Չոպանյանը գնահատում է խորհրդային Միության, որպես նոր Ռուսաստանի, իրողությունը և նրա դերը Հայաստանի ճակատագրում: Նա գրում է. «Նոր Ռուսիան, որ աշխարհիս մեծագույն ուժերեն մեկն է ներկա շրջանին, և որ վաղը պիտի ըլլա ավելի ևս մեծ, կազմակերպված ու հարաճուն ուժ մը, իր (իմա՝ Հայաստանի) դաշնակիցն ու պաշտպանն է, և հայկական քաղաքականության հիմնական անխախտ գիծը պետք է ըլլա այլևս՝ հայ տերության միշտ դաշնակից ու պաշտպան ունենալ այդ մեծ զորությունը»³⁰:

Քսանական թվականների կեսերին Սփյուռքի մամուլում քննարկման առարկա է դառնում ԽՍՀՄ Սահմանադրության այն դրույթը, որով արձանագրվում է հանրապետությունների՝ Միության կազմից դուրս գալու իրավունքը: Հետաքրքրական է, որ դասական կուսակցություններից ոչ մեկը, թեպետ ՌԱԿ-ը իբրև իդեալ ուներ անկախ Հայաստանը, իսկ ՀՀԴ-ն իր բոլոր համագումարների որոշումներում կուսակցության նպատակն էր համարում բուշեիկյան իշխանության թոթափումը և ազատ, անկախ Հայաստանի ստեղծումը, աշխարհաքաղաքական տվյալ իրողության մեջ գործնականում չէին դնում նման իրավունքի իրականացման խնդիրը: Այդ առթիվ Չոպանյանը համոզմունք էր հայտնում. «Քաղաքական այս սխտեմը այնքան նպաստավոր է մեր փոքրիկ Հայաստանին, որ որևէ ողջմիտ հայ չի կրնար Հայաստանի վերապահած լիակատար անկախության իրավունքին փոթկոտ գործադրությունը հիմարություն չնկատել»³¹:

Քսանական թվականներից սկսած քաղաքական պայքարները և պառակտումները Սփյուռքում սուր, երբեմն ողբերգական հետևանքներով լեցուն բնույթ են ընդունում: Հիմնահարցը, անշուշտ, Հայաստանում առկա վարչակարգի նկատմամբ վերաբերմունքի խնդիրն էր: Երկու կողմերի օգտագործած բռնամիջերը հարուստ է քաղաքական հայհույանքներով և պիտակավորումներով: Հայաստանի վարչակարգը ընդունողներին, մասնավորապես ՀՀԴ մամուլում, կոչում են «ստրուկներ», «ստրկամիտներ»: Ա. Չոպանյանը խրմբագրում է մի «Բողոք», որի տակ իրենից բացի ստորագրում են Շիրվանզադեն, Տ. Կամսարականը, Լ. Բաշլյանը, Հ. Փուշմանը, Հ. Գյուլջյանը, է. Շահինը և ուրիշ անվանի մտավորականներ. «Մեզի համար անհերքելի իրողություն մըն է, — ասված է «Բողոքի» տեքստում, — որ Հայաստան մը գոյություն ունի այսօր: Մենք համոզված ենք, որ ան իր գոյությունը կրնա պահպանել ու զարգանալ միմիայն խորհրդային Միության հետ դաշնակցած»³²:

Ա. Չոպանյանի հավատամքը հայ ժողովրդի քաղաքական կողմնորոշման հարցում հենվում էր մեր դարավոր փորձառության և վերջին հարյուրամյակի աշխարհաքաղաքական կացության գիտակ վերլուծության արդյունքների վրա և այսօր իսկ ուսանելի շատ բան է պարունակում իբրև «Վարք Մեծացի» կարևորագույն մի էջը:

29 ԳԱԹ, ԱԶՖ, 4-րդ բաժին, № 415:

30 «Պայքար», 1927, № 29:

31 Նույն տեղում:

32 «Արև», 1926, № 2132: